

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-192/12
Vareš, 29.11.2012.godine**

Na osnovu člana 16 . stav 1.tačka 1. i stava 2., a u vezi sa članom 165 Zakona o zaštiti od požara i vatrogastvu (Sl. novine Federacije BiH broj:64/09) , i člana 22.tačka 2. Statuta Općine Vareš – Prečišćen tekst , broj:01-162/12 od 11.09.2012.godine, Općinsko vijeće Vareš na 2. sjednici održanoj 29.11.2012. godine d o n o s i

O D L U K U

o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unapređenje zaštite od požara na području općine Vareš

Član 1.

Ovom odlukom određuju se privredni subjekti i pravna lica koja su obavezna donijeti planove zaštite od požara i provesti određene mjere za unapređenje zaštite od požara .

Član 2.

Na donošenje Plana zaštite od požara , te provođenje i unapređenje zaštite od požara, obavezuju se slijedeći privredni subjekti i pravna lica :

1. ŠPD ZE-DO kantona Zavidovići – PJ Šumarija Vareš
2. ŠUMMEX d.o.o. Vareš (Ljepovići)
3. JP ELEKTOPRIVREDA BiH Sarajevo –Elektrodistribucija Zenica –PJ Vareš
4. JP ELEKTROPRIVREDA HZ Herceg Bosne d.d.Mostar –PJ Vareš
5. AUTOTRANS D.D. Vareš
6. BBM Vareš –d.o.o. Vareš
7. TIMPEX d.o.o.Vareš
8. JAVNO KOMUNALNO PODUZEĆE d.o.o. Vareš
9. TVORNICA REZERVNIH DIJELOVA d.o.o.Vareš
10. JU DOM ZDRAVLJA Vareš
11. RUDNIK ŽELJEZNE RUDE d.d. Vareš
12. LIVNICA d.d. Vareš
13. SAKUPLJANJE SEKUNDARNIH SIROVINA d.d. Vareš
14. PROFI TEX d.o.o.Vareš
15. PPOIP d.o.o. Vareš (Zarudje)

16. UNICREDIT BANK d.d. Mostar PJ Vareš
17. JP BH POŠTE d.o.o. Sarajevo ,Centar pošta Zenica –Pošta Vareš
18. D.D. BH Telecom Sarajevo –Direkcija Zenica PJ Vareš
19. ENERGOPETROL d.d. Sarajevo PJ Vareš
20. EKVA d.o.o. Vareš – Pajtov Han
21. EDI CONTROL d.o.o. Vareš (Vareš Majdan)
22. BUTMIR OiL d.o.o. Vareš
23. ALMA RAS d.o.o. Olovo - PJ Vareš
24. AMIA PROMET d.o.o. Vareš (Ravne)
25. JP VAREŠ STAN d.o.o. Vareš
26. FAAM d.o.o. Vareš –Daštansko
27. KAPETANOVIĆ d.o.o. Vareš (Ravne)
28. MPM d.o.o. Vareš
29. NAHA d.o.o. Vareš- Dabravine
30. MJEŠOVITA SREDNJA ŠKOLA „Nordbat 2“ Vareš
31. OSNOVNA ŠKOLA Vareš Majdan
32. OSNOVNA ŠKOLA Vareš
33. BLUHEND WOOD d.o.o. Sarajevo –(Ponikva)
34. MES VAR-LIV d.o.o. Vareš
35. JP VETERINARSKA STANICA Vareš
36. JU CENTAR ZA SOCIJALNI RAD Vareš
37. JU DJEČIJE OBDANIŠTE Vareš
38. JU OPĆA BIBLIOTEKA Vareš
39. EX PALL d.o.o. Vareš – (Ponikva)

Član 3.

Privredni subjekti i pravna lica koja nisu navedena u odredbi člana 2. ove odluke, obavezni su donijeti propis (opći akt) kojim će se utvrditi mjere i radnje u vezi s provođenjem i unapređenjem zaštite od požara.

Član 4.

Planovi zaštite od požara privrednih subjekata i pravnih lica iz člana 2. ove odluke obuhvaćaju naročito:

Procjenu ugroženosti od požara , organizaciju zaštite od požara , način upotrebe vatrogasnih jedinica , sistem obavještanja, postupak u slučaju požara , tehničku opremu i sredstva za gašenje požara, način opskrbe vodom, puteve, prolaze i prilaze, sudejstva s drugim vatrogasnim jedinicama , jedinicama oružanih snaga BiH, kao i druge mjere potrebne za uspješno funkcionisanje i unapređenje zaštite od požara i provođenje nadzora nad izvršenjem mjera zaštite od požara.

Član 5.

Privredni subjekti i pravna lica iz člana 2. i 3. ove odluke , kao i privredni subjekti i pravna lica koja budu osnovana nakon donošenja ove odluke , polazeći od svojih uslova i potreba , a u skladu sa propisima o zaštiti od požara , svojim općim aktom o zaštiti od požara utvrdit će naročito:

Mjere zaštite od požara , način vršenja unutrašnje kontrole provođenja mjera zaštite od požara , te dužnosti, odgovornosti i ovlaštenja radnika koji tu kontrolu neposredno vrše, stručnu spremu rukovodilaca i drugih radnika koji obavljaju poslove zaštite od požara, postupak i način upoznavanja radnika prilikom stupanja na rad ili raspoređivanja na drugo radno mjesto na kojem će obavljati poslove i radne zadatke s opasnostima od požara vezanim za to radno mjesto, kao i način obučavanja radnika u rukovanju sredstvima i opremom za gašenje požara, prostorije, prostore i mjesta na kojima se ne smije stvarati , koristiti ili prenositi otvorena vatra , vrstu i količinu opreme i sredstava za gašenje požara , kao i raspored te opreme i sredstava i vrijeme povremenog ispitivanja njihove ispravnosti , zadatke i odgovornosti rukovodećih radnika u vezi s provođenjem zaštite od požara i odgovornosti radnika zbog nepridržavanja propisanih mjera zaštite od požara , te dužnosti i ponašanje radnika i organizaciju u slučaju izbijanja požara.

Član 6.

Planovi zaštite od požara i druga opća akta o zaštiti od požara privrednih subjekata i pravnih lica moraju biti u skladu s Planom zaštite od požara Općine Vareš.

Planovi zaštite od požara privrednih subjekata i pravnih lica moraju se donijeti u roku od 6 mjeseci od dana stupanja na snagu Plana zaštite od požara Općine Vareš.

Privredni subjekti i pravna lica su dužni nakon izrade Plana zaštite od požara jedan primjerak dostaviti općinskoj Službi civilne zaštite.

Član 7.

Inspekcijski nadzor nad provođenjem ove odluke vrši kantonalni inspektor za zaštitu od požara i kantonalni inspektor za vatrogastvo po članu 135. Zakona o zaštiti od požara i vatrogastvu (Sl. novine ZE-DO kantona br: 5/11) .

Član 8.

Ako privredni subjekti ili pravna lica u roku ne donesu Plan zaštite od požara ili ga ne usklade s Planom zaštite od požara Općine Vareš (član 6. stav 2. ove odluke), ili ako ne donesu druga opća akta o zaštiti od požara , iz člana 5. ove odluke , kaznit će se novčanom kaznom po članu 168. Zakona o zaštiti od požara i vatrogastvu (Sl. novine F BiH broj 64/09).

Član 9.

Danom stupanja na snagu ove odluke prestaje da važi Odluka o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unaprjeđenje zaštite od požara na području općine Vareš broj: 01-163/07 od 02.08.2007. godine.

Član 10.

Ova odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka je objavljena na oglasnoj tabli Općine Vareš 30.11.2012.godine.

OPĆINSKI NAČELNIK

Avdija Kovačević

O B R A Z L O Ž E N J E

Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unaprjeđenje zaštite od požara na području općine Vareš.

Pravni osnov za donošenje odluke sadržan je u članu 16. stav 1.tačka 1. i stav 2. a u vezi sa članom 165 . Zakona o zaštiti od požara i vatrogastvu (Službene novine Federacije BiH broj:64/09) , kojim je propisano, da Plan zaštite od požara za vlastite potrebe izrađuju privredni subjekti i pravna lica koji se odrede u Planu zaštite od požara Općine ili posebnom odlukom.

Obzirom da je došlo do donošenja Federalnog Zakona o zaštiti od požara i vatrogastvu (Sl. novine Federacije BiH broj:64/09) , a koji nije bio donesen prilikom donošenja Odluke o određivanju privrednih subjekata i pravnih lica koja su obavezna donijeti Plan zaštite od požara i provesti određene mjere za unaprjeđenje zaštite od požara na području općine Vareš (broj:01-163/07 od 02.08.2007.godine), pristupilo se usklađivanju iste s navedenim zakonskim propisom.

U skladu sa navedenim propisima usvojenu odluku je potrebno svake godine, ukoliko postoji potreba, revidirati i uskladiti prema zakonskim propisima .

Iz navedenih razloga postojeća odluka je revidirana u smislu pojedinih stavki kao na primjer: Prestanak sa radom pojedinih preduzeća i nekih institucija kao i osnivanje novih gdje se vrši i njihovo revidiranje , a također i stvaranje obaveze za privredne subjekte i pravna lica da izrađeni vlastiti Plan zaštite od požara dostave i općinskoj Službi civilne zaštite.

Ovlašteni predlagač:

OPĆINSKI NAČELNIK